

نومرو : ۷۴

اجتihad

اداره خانه

ایستانبول ، جغال اوغلنده

دائرة اجتهد

Idjtihad Constantinople

دوردنجی سنه

حریت فکریه یه خادم

پنجشنبه کونلری چیقار اجتماعی ، ادبی مجموعه

مدیر مرخص : الرهای صفا

۱ آغستوس ۱۳۲۹

آبونه

سنه لك آلتی آیلق

تورکیا ایچین ۴۰ غروش ۲۵ غروش

ممالك اجنبیه ایچین ۱۰ فرانق ۶ فرانق

نسخه سی ۵۰ یارمه

احمد آغايف بك افندی يه

محترم اقدم ،

(تورك يوردی) نك نسخه اخيره سنده تام اون ايكي صحيفه يي املايدن جوابنامه عاليريني تكرر ابتكرار اوقودم. بومكتوبك سطور و صحائفه متحشد مطالعات و دلائل كونا كون قناعت متقدمه مي تهديد دكل ، تأييد ايديور . بوني سزه هم تأمين ، هم اثبات ايده بيليرم . بك علمانه و واقفانه اولديني اونسخه نك انتشارندن اول طبل وكوس مطبوعات ايله چار اقطار علمه اعلان اولنان بوردیده بنم جهل وضلام يكي وطوغري شيلر بولش اولسه يدي ، امين اولكزكه ، متشكرانه اعتراف ايله وجيه نعمتشناسي يي ايفايه مسارعت ايدر دم . فقط حقايق تاريخيه يي تحريف ايتكمده كي كمال قدرت والاري استثناء اولنورسه ، بو جوابنامه ده شهرت علميه معلمانه لرينه افاضه شرف نوين ايده جك و نائق معرفت قطعاً مفقود در . مدافعات عاجزانه مي بسط و تمهيد ايمه دن اول مساعد كزله بر سوزيكزي تأييد ايده مي :

بو مباحثه ده شخص عاليكزك (ياكلش بر تلقينك نتيجه سي اوله رق بر بهانه دن بشقه بر شي اولماديغي) سويليورسكز . (ياكلش تلقی) نك نه اولديغي آكلامادم . فقط بنده كزجه حقيقه محترم اولان شخص عاليكزي - هايدی ، سزه حرمة مضرديمه يم فقط - مفرط بر تورجكي اولمق اعتباريله هدف سرزنش اتخاذ ايديورم . يركزده بابام ، قارديم اولسه يدي ينه و دأماً بويله حركت ايده جكدم . مسائل مماثله قارشيسنده نه قدر مضطرب اندیشه اولديغمي بيلسه يديكز ، جوابنامه كزك سطور بي پايانه برارزه انصاف توديع ايدرديكز . بوني كيمسه انكار ايده مزكه سلطان عثمانك ميراث مقدسي حضرت محمدك متروكات مباركه سيله قابل محافظه در ، چكيزك ياد مظالميله دكل . بو حقيقت واضحه يكي و تجربه سز نظريه لرك مواجهه تهديدنده قاليرسه بدن و بنمله همقناعت اولانلردن كوره جككز معامله البته مجامله اولماز .

تكرار ايدر دم كه شخصكزه و علم واقتداريكزه حرتم وارد در . و بو حرمتي هيچ بر شي اخلاص ايده مز . حتى جوابنامه كزك آن بآن تهور ايدن مندرجاتي و حتى هيچ بر شي افاده ايتمين اوصوغوق استهزا اشارتلي بيله ! . اولاً (جامع التواريخ) كزمان تأليفه عائده خطايي تدقيق ايده لم :

بونك سهو مرتب اولديغي و (بش) عددنك (يدي) اولمق اقتضا ايتديكني سويليورسكز . بك آي ، سوزيكزي عيناً قبول ايتدم . فقط (تورك يوردی) نك ۱۹ نجی نسخه سنده و ۷۲۴ نجی صحيفه نك ۱۴ ، ۱۵ و ۱۶ نجی سطرلرنده كي [درت يوزاللي سكر سنه هجريه سنده ، يعنی «جامع التواريخ» دن قرق درت سنه اول يازلش اولان «قوداقوبيليك» صاحبك الخ ...] ادعا كزه نه دييه لم ؟ . بوندنه (ايكي يوز) كله لريني مرتبلمی حذف ايتدی ؟ . آچيق مکتوبمده ده ايضاح ايتش اولديغ بو نقطه نك جوابنامه عاليرنده سكوت ايله كچشديرلمی مرتبلمی اتهامه سز جهده امكان قالمش اولديغي كوستريور .

(دارالفنون) طلبه سني عليه كزده اغوا كي بر مقصدك دائماً بن دن اوزاق قاله جغه اعتماد ايده بيليرسكز . او كتيبته مستقبلة عرفاني مقاصد سياسي و شخصيه واسطه استيفا ايتك وطنكشك در . عثمانلي هيئت اجتماعيه سنك بك چوق شيلر اميد ايتديكي بومؤسسده بر چوق محروميتلر آغلار كن طلبه يي معلملري عليه تحريك ايتك نه قدر ناجا ايسه ، اوكنج و تجربه دن زياده تأثره معروض و مستعد دماغلره بوهيئت اجتماعيه نك سلامتدن زياده تشنت و اضمحلالني دعوت ايده جك افكار و تمايلات تلقيح ايلكده او قدر ناروا در قناعتنديم .

اسلاميتك نصل بر محيط داخلنده نه صورته تنبث ايتش اولديغي سزك قدر بيليرم آغايف بك ! ... (معلقات سمعه) دينلن آبدات ابتدائيه نك مضامين و مؤداسي بنده كزجه مجهول اولماديغي كي ، على العموم اديانك حكمت و ماهياتي حقنده ده آزچوق معلوماتم وارد در . (قرآنك

لسان معجزی معلقاته و قوف پیدا ایتمکسزین نصل تقدیر
ایدیه بیلیر ...؟) سؤالی عظمتکارانه ایراد ایدن احمد
اغایف بک افندی دینداشم، بنم لسان و قواعد عربیه
تعلق ایدن و قوفدن زیاده اولهجه مبارکده حائز معلومات
دکل در ظن ایدرم. هر دین، منشئی اولان محیطک
عرف و عاداتی قسماً تعدیل و بر قسمندی عیناً تدوین
ایتمک صورتیه تأسیس ایدر. فقط بویحک بزم اساس
مباحثه مزه تعلق یوقدر. بن اسلامیتک هر درلو روابط
قومیه ی قیردق یرینه رابطه دینه یی اقامه ایتمش اولدیغی
سویلشدم. ادعای تکرار ایدرم. دلائلی استماع و تدقیق
ایتمدن و یرلمش حکم کز لایتغیر دکل سه صدر اسلامده کی
وقایعدن کتیره حکم بردلیلی لطفاً دیکلیکیز:

عربده عصیت عائله و رابطه قومیه نک نه قدر قوی
و مطاع و محترم اولدیغی بیلیرسکیز. اسلامیت بیله بورو باطی
قسماً ادامه و مثالبش اون بطن اولدن آیرلمش بر عمرزاده یی
قیز وارثک یانه اقامه ایتمش در. بر عربک ثار قتل اولاد
واخوانی یوقسه ابناء عمنی آملقه مکلف ایدی. بو عادات
قدیمه بعد الاسلام و ممنوعیت دینه یه رغماده دوام ایدوب
کیشدر.

بو بویه ایکن حضرت محمد بر چوق خویشانه تقدیماً
سلمان فارسی یی خواص احبابی درجه سه اعداد و صنادید
قریشه قارشی اولان محاربات مشهوره سنندن خندق
عزاسنده بو ایرانی و اصفهانی صحابینک رأی و تدیرینه
توفیق اجتهاد بیورمشدی. عنعنات و عادات متقدمه
عربدن بر چوغنی نبی عربی افندمز تلین ایتمشکن سزک
لات و عزادن بحث ایتمکزه جهان حیرت ایدر.

ظهور اسلامدن سوکره قومیت و ملیت روابطی دین
و مذهب رابطه سه تحول ایتدی. ایرانده، یمده و دیار
اسلامک اقسام سائرهنده آره صیره تحدث ایدن
وقایع و مجادلات دائماً مذهبی بر داعیه یه استناد ایتمش
ویا ایتدیرلمش در. بو دعوانک حجج ثبوتی هر عصرده
و هر مملکت اسلامیه ده بوله بیلیرسکیز. کنهانی الله عفو

ایسون، ابو مسلم خراسانی امویلر علیهنده کی تسویلات
واغوا اتنه حسیات دینه یی تحریف ایله باشلامش و شاه
اسماعیل صفوی سلطان سلیم اوله قارشی اختلاف مذهبدن
متولد غیظ و کینی تمیه ایتک صورتیه حرکت ایتمشدی.
اکثر مورخینک مجاهد اعظم تلقی ایتدیکی زوالی
ابو مسلمدن حرمتکار اولیان بر لسان ایله بحث ایدیشم
سزی متعجب ایتسون. بن امویلرک انقراضی اسلامیت
ایچون ضرر تلقی ایدنلردنم. مناطق اسلام - حتی برلا
کچولمش اولدینی حالده - حالا اونلرک بالفعل و یا بالقوه
تحدید ایتمش اولدقبری حدود داخلنه صیغمنش طور بیور.
اسلامک دیوان مقدراتی خلفای امویه نک میدان مجاهداتندن
سلاطین عباسیه نک میکده حظوظاتنه انتقال ایتدکن
صوکره دین مبینک توسع نفوذ و انتشارینه انقطاع
و خلل طاری اولدی.

فقط بو بحثی ده بوراده تطویل ایتمک لزوم و احتیاج
یوقدر.

عنعنه ملیه حقنده سویلیدیکنز سوزلری پک غریب
بولدم. (عثمانی تاریخ و دولتک ناظم و مؤسسی سرزده انکار
ایتمزسکیز که تورکلردر) دیورسکیز. بو جمله نک مبتدای
اولان (ناظم و مؤسسی) کی، خبری بولنان (تورکلر) ده
مفرد اولسه یدی (تورک) اسم جنسندن سلطان عثمانی
ویا اب مکرمنی قصد ایتمش اولدیغکزه حکم ایدرک سزه
حق و یررددم. فقط (تورکلر) دنجبه دوشونورم.

سلطان عثمانک جدیه برلکده چنکیزک اوکندن
قاچمش اولان بر قاج یوزچادر خلق آسیانک اقصادی غریبنده
تک باشنه قوجه بر دولتک اساسی وضع ایده مزدی.
وسائط تأسیسی بوراده بولدیلر. بونلر تورک اولمقدن
زیاده عناصر محلیه دن ایدیلر. پک ایی بیلیرسکیز که سلطنت
سلاجویه نک میراثنه دعوی استحقاق ایله وضع یدایتمک
ایستین قره مان اوغللری فاتح زمانه قدر تام بر بچی
عصر دولتی اشغال ایتشاردی. قره مان اوغللری کچوق
مقاومت کوسترمش اولدقبری ایچون صراحه ذکر

مشدر. بوکون بالیکسریده، قونیه‌ده، سیواسده، دیاربکرده، کرکوکده یرلی برتورک بوله‌مازسکزرکه شکلاً بخارا ویا سمرقند خلقنه بکزه‌سون.

لسانزده بویه‌در. (تورک یوردی) نه‌قدر چالشیرسه چالشسون، اسماعیل غصیرنسکی افدینک دینلی عبدالحق حامد بکک لسانه غلبه ایتدیرمک امکانی یوقدر. جلال ساهر، حمدالله صبحی، کوپرلی زاده محمد فؤاد کبی فجر آتیدن تورک یوردینه کوچ ایتیش شبّان عثمانی بیله، طرفکی‌رلکی Sectaire لک درجه‌سنه ایصال ایتماشلرسه بو حقیقتی تسلیم ایدرلر امیدنده‌یم. ایتیزلرسه اوممتاز، فقط کمکشته ضلال اولقله بدبخت ذکالرینه هرکس آجیر. ایشته عزیزم، بی‌اساس بولدیفکزی - کویا دلائل قطعیه و فیهیه استناد ایله - اعلان ایتدیککز (افانیم ثلثه اجتماعیه) بوتملره وبو حقایق ووثائقه استناد ایدیور. کله‌لم سنی و شیعیلک مسئله‌سنه :

سلیمان تنظیم

مابعدی کله‌جک نسخه‌ده.

هفته صحیفی

کورونور، کورونمز قضالار

درد بلغار ضابطی، کویلی قیاقنیه جاسوسلق ایتمک ایچون استانبوله کله‌جکک، یاخود درد بلغار چته‌جی بر تقریب بورایه صوقوله‌جقلر، صنعتلری اولان تخریب ووحشتدن استانبوله‌ده بر اثر کوستره‌جکلمر مش. بویه بر روایت موجود ایکن غلطه‌ده، کچن پنجشنبه ۲۴ تموز ۳۲۹- یوکسک قالدیریمدن قره‌کویه اینن سوقاقده، سیدنه‌ی نویل قومپانیه‌سکک مغازه‌سنده بومبا پاتلار کبی بر انقلاق وقوعه کلیر. کلوب کچنلر، موخانه، وویووده، قره‌کوی میدانی وجوارنده بولونان دکانلر، مغازه‌لر واداره‌خانلرک مستخدملری اورکرلر، قورقارلر. سائقه‌ مرافله ابتدا

ایدیورم. یوقسه عثمانیلر بدایت تأسسده هپسی تورک اولان طوائف ملوکک همان هپسیله آزچوق اوغراشدیلر. بونکله برابر شودولت معظمه‌نک اساس بلندی وضع‌ایدن ایدئی عزم و همت میاننده میخال کبی، اورنوس کبی لسانزده یابانچی، فقط وجدانزده پک مونس اسملره حرمت وشکران ایله تصادف ایتکده‌یز. بوکون تورکچیلرمنک قدسیت سماویه ایله مشمولیته لائق کوردکلری تیمورلنک، تاتار و تورکرلرکدن متشککل اردوسنی آتقره صحراسنده موجودیت عثمانیه‌یه صالیدیردینی زمان قارشینده دیکیلن اردونک صفوف مقاومتی میاننده جانسپارانه حرب‌ایدن صربلره نه‌دیه‌جکسکزر؛ بودولت بویه تأسس وبویه تمادی ایتشدر. تاریخی له‌کزده اشهاد ایچون بهوده ألعاب ایتیکز عزیزم!... فاتح سلطان محمدی اک چوق دوشوندرن اوزون حسن تورک، یاوز سلطان سلیم قارشینسه اک زیاده دیکلمک ایستین شاه اسماعیل صفوی ینه تورک ایکن قلمکزرک تقوه ایتدیک،

(حالبوکه غازی عثماندن اول عثمانلی تورکی نامنه فرد واحد یاشامیوردی! غازی عثمان ایسه بدیهی درکه عثمانلی تورک‌لرینی یاراتمادی. کندیسندن اولده یاشامقده اولان تورک‌لرک غیرت وحمیتی ایله بردولت تأسینسه موفق اولدی) سوزلری قارشینسنده عقول اولین و آخرین دمبسته قالیر.

تاریخندن فیزیولوژی‌یه کچرسه‌ک عثمانلی تورک‌لرینی ینه بسبتون آپرلش و بسبتون دکشمش کورورز. دیندارانه بر حرمت وقعاغته بحث ایتدیککز محیط ووراثت اجدادک آثارینی بنیه حاضره عثمانیه‌ده نیچون آرامیور- سکزر... عناصر غیر مسلمنه‌نک قاننی یکیکچریلر اوچ عصردن زیاده تورک طمرلرینه نقل‌ایتدیلر. طرف طرف واقع اولان اهتدالر، التحاقرده بشقه!.. ترک عرقک اختلاط و تصالبی عناصر غیر مسلمیه انحصار ایتدی: عربلر، بوشناقلر، آرنادولر، کردلر، چرکسلر، لازرله دیکر لاتعد اقوام بو عرقه قارشمش وقارشدر-